

四庫全書

史部

欽定四庫全書

史部

欽定熱河志卷十二
四

詳校官編修

臣

曹城

檢討

臣

德生覆勘

總校官舉人

臣章維桓

校對官編修

臣勵守謙

謄錄監生

臣曹洪梁

欽定四庫全書

欽定熱河志卷十二

天章十二

御製詩

口外 己亥

啟程前之雨口外由來小禾黍原綠
芄麥却未收了黃雲蔚滿野吐穗
灌漿飽雨不雨皆可農功隨路考教
養雖並重養較教為要叶居今言教
難而養不可少所以

切孜孜祈年祝萬寶

雨

五月廿一日

七日途間總遇晴歡娛僕役利行程固因收麥宜暘喜
頗為去聲新禾望雨紫連夜達晨茲渥霈高原下隰徧滋
榮已霑便冀以時霽我亦同人無定情

喜晴

五月廿三日

霽晨已自散山雲卓午復陰細雨紛既渥遂愁或過也
望晴實切不寧云夕陽忽照一天碧璫霧全消四嶺分

自覺戚欣失涵養綠闌稼穡太殷勤

夜雨

五月廿六日

四日連晴一夜雨逮時行候審無妨松軒聽有落簷瀑
紗帳送來拂席涼憶得麥困已收定數^上餘蓮漏幾聲
長廉纖過午勢將歇却望雲開朗夕陽

喜晴

昨晚晴猶夜微雨今晨雨止晚開雲雖非靈霽終為懼
茲朗霽曦乃覺欣苔篆鹿蹤庭際見羽衣鶴唱嶺邊聞

閣章待久遲時刻

昨京城所發閣章應於今日未時到山莊茲遲至一時有餘蓋因雨後山

河水漲阻滯耳

應值山溪水漲瀆

六月朔日作

昨日雖晴夜猶雨縱微終覺不如無今晨四字陰仍重
卓午一天雲散都正值朔辰真幸也言逢時霽實佳乎
人多經事乃多畏怵惕因心敢放吾

熱

數日不雨赤曦敲浮雲幾片歸岫消懼雨念轉為盼雨

人意何嘗有定標山莊避暑未易避戶烟轉集暖氣招
鬱蒸禾黍正怒長岡田露重如濡澆大凡一利具一弊
從人旅舍煩炎燄豈如唐厦據爽塏茂樹下時送涼颿
適已忘衆非美德這暑摘句當去聲解嘲

御門引見月官有作

月官銓部選攸殷正印要殊雜職分正合躬親重器使

雜惟依擬免勞紛

月選官員文職知縣以上武職守備以上令吏兵二部帶至熱河引見其

佐雜等官則命留京王大臣驗看放行以省微員往來勞費

雖然子羽失應戒底藉

山公譽有聞

今月選之例悉按班次銓除曹司胥吏無從上下其手最為公允若由部臣擇擬或

出自廷推難免偏徇黨援之弊雖引對甄核定于片時然察其言動而衡之柄不下移紀綱清肅臣下不能擅竊威福所當萬世遵守也已定章程斯盡善守而弗易勉公勤

夜雨

六月十二日

十日已快晴一雨實恰當傍晚晚峯吐雲入夜霽飛嶂炎
歎忽淨滌涼爽侵帷帳細而調笙絲壯而傾盆盎其聲
尚可擬其形未容狀於稼信何礙於溪或有漲然亦塞
山常擇高村無恙河工待水增順溜應可放

儀封工次
王家莊引

河堤已挑成專俟伏汛一到河流增長即可相機啟放以禦大溜日來盼望甚切

二千里外心

遙遙寄惆悵

喜晴

夜雨朝猶密佈雲辰牌微霽細絲禁四山過午全開霽
念到農田慰以欣

熱

土潤溽暑時晴蒸即覺熱山田賴有此苗怒長

上聲

穗結

早晚仍爽涼斯則塞景別於人於稼穡兩利無乖節地

是

聖人貽恩實

天公設對時育萬物勉敬始終徹

夜雨口號

六月十四日

邇日蒸炎知有雨夜窻滴瀝聽簷鳴由來適可還應止
況是纔逢兩日晴

喜晴

夜雨曉猶霏油然欲作霖雖云應暑節無那望晴心卓

午密雲散中天皎日臨撫茲諸事吉慰以倍生欽

留京王大臣奏晴雨應時詩以誌慰

昨近常逢陣雨優幸而即霽每紓愁所欣京縣亦時若

却悉大田卜歲收

留京王大臣奏自六月初九日雨後旋即晴霽十二三等日連得陣雨時

作時止十五日天色朗晴誠可謂雨暘時若并差探四鄉大田雖土膏滋潤而炎蒸之候得此雨澤並不覺其過多低窪處亦無積水於難種蔬果均為有益低處並稱無積水菜畦魚可望

登秋奏章各省多佳信

近日山東河南陝西各省陸續奏報均于五月中下二旬雨水

露足而豫東二省則六月初六得透雨矣

得此何修勵已修

見虹

無端復雨復憂忡傍晚雲收幸見虹可卜定晴宜暑月

還希催溜暢淒風

儀封工次新挑王家莊引河已成專候伏汛水長并趨西南風逼溜之勢

相機啟放至今尚未奏及盼望甚切

遠源漲落武列北空字橋拖蝦蟇東

天地何當有淫氣失言難諱紫陽翁

虹乃日光雨氣相薄而成朱子於衛風蝦蟇

螭篇注以虹為天地之淫氣殊害於理曾於咏七十二候虹始見章詳辨之

立秋

六月二十七日

邇日時陰晦幸非落靄皆令晨忽朗霽秋節慶真諧不

雨何妨掉

俗以立秋日不雨則秋月雨少謂之秋掉又作秋弔亦有以立秋日雨為秋弔者

收

雲果是佳農謠屢徵驗

農占以立秋日晴為西成豐稔之徵試之屢驗

即景且

紓懷

七月朔日作

秋節甫過秋月臨時光代謝祇侵尋氣清曦霽有餘朗
天淡雲間無片陰榆宇縱觀知漢轉莎隄緩步得蛩音
晶陽午曝仍婪熱催報西成亦愜心

七夕

萬嶂菁葱生翠烟碧霄銀漢指坤天恰當鵲駕逢七夕
又早蛛筵濶兩年那有閒情為秘誓可無新詠付華篇
宮中巧節長城外也得人間佳話傳

熱

昨近忽作涼塞外固如是長此竟安窮今朝復熱矣熱
乃宜山田黃雲熟穗始

天地生物心相土氣機委而人意無定逐境為戚喜安能
克己私坦然順化理

中元日有感

例以中元祭

各陵駐茲

神御拜瞻

憑

永佑寺恭奉
考神御茲以中元節敬詣瞻禮

皇祖

皇

次因松鶴叩

如在

松鶴齋為
前叩謁

聖母舊時寢宮今於
音容莫覩倏越三年昌禁悲痛

寶座

近憶

丙申悲不勝節事徒教陳梵網秋湖無興看河燈早知
空色非空色者箇難忘慙慧能

夜雨

七月
望日

晚雲閣雨勢巧讓水燈明燈事甫言罷雨絲立至傾霽
來彌半月潤意愜深更滌盡邇婪熱明當爽氣迎

山中二首

山中四季各為風最是金韞致不同
毆暑拒霜成萬寶
小哉空說楚王雄

右風

山中秋半露華鮮太古林巒太古天
設向人間論甲子

老於寶甕紀堯年

右露

雨

半月秋陽曝旭暉昨宵好雨曉猶霏不徐不疾真蘊藉
忽密忽疎孰指揮宿麥已欣播種易晚菰更喜亞畦肥
隨時隨處塵農務以是為吾民所依

晴

秋仲非秋孟為霖每易晴散雲歸岫遠澄宇露曦晶鹿

過仍留篆鵲鳴似捻笙若時真愜意以此倍欽生

題唐寅採蓮圖

採蓮曲始壽承藏繼得為圖伯虎唐枝癢不禁項元汴

見項元汴
圖中識語

卒成三絕各爭強

江鄉景稱採蓮圖此事由來塞苑無一著饒他八月杪
綠雲紅玉滿平湖

塞湖荷花至八月杪猶然
開放以苑中有溫泉也

風土

麥薺之收穫先南後北漸禾黍之收穫先北而後南關

內關外所習見復北亦復以次覘山莊晚田茲始熟札

薩地早事腰鑪

熱河早稼七月下旬已收晚稼則八月初始刈中秋前方可畢工而諸札薩克

所植田禾則七月俱登場園詢之蒙古王公所言僉同益近北霜早非早獲不為功而禾稼亦較向南者先熟非特此也哨門之地較熱河秋收約早旬日閩內早稼較關外晚稼刈獲更遲又向所日觀者即此可驗風土寒暄物性早晚之不同矣得之親訊匪傳聞風土農務率可占禾黍

不禁霜使非早熟其何堪麥麴本耐涼晚熟於北豈奇談不同之同乃大同造物賦物性各含寄語譜植稼穡者如斯之事其曾諳

賦得鴻雁來

得時字
鄉試題

物皆具靈性雁豈不知時適值仲秋節遂辭朔漠陞北

殊雨水候

候雁北在正
月雨水候

賓異露寒期

九月寒露候為鴻
雁來賓與此異

月令凡四舉長言乃各摘

月令大寒候又云雁北鄉益
其時雁自南已向北至雨水

節遂北歸此云來乃自北而南先至者為主寒露來賓
則以後至者為賓也所言雁凡四見義各不同昨為七
十二候詩並
分晰闡詠之山莊如迎先

兩字皆
去聲

帝里覺來遲

雁南來
此處必

先見關內當
遲數日也

叫宇聲猶澀照波影尚疑授衣廬織婦登

穀幸農師協紀闕民瘼重儻且漫嗤

中秋日作

塞苑中秋兩度違依然圓魄發清輝酉年此日收烏什

未歲今朝克勒圍

乙酉二月烏什小伯克賴黑木圖杜等聚衆生變明瑞時為伊犁將軍聞

而赴援即命其督兵攻剿賊衆拒守六月餘勢漸窮蹙明瑞擒銳登陴奮擊遂於八月十五日攻克其城烏什復平定西將軍阿桂統兵征剿金川所向克敵乙未秋進薄勒烏圍其地為促浸最要剿穴寨密稠堅阻負河勦阿桂相機布置官軍如法築柵涸水拽橋設伏選勇分攻至夜半衆皆蜂擁而入殲賊殆盡逃克勒烏圍亦是均於此度節籌軍務而在木蘭聞捷者
敢謂詰戎繩

祖烈那重養志侍

慈徽每逢佳節思

親倍句憶右丞淚暗揮

夜雨

八月十五日

佳節行成祠月筵塞天雲淨玉輪圓陰晴萬里例同夕

使燕錄載蘓東坡曰故人史生為予言嘗見海賈云中
秋之月雖相去萬里他日會合相問陰晴無不同者

低迴千峰總一仙却到夜中醒枕夢忽聞窗外滴簷泉
逾旬覺燥露時澤愜意欣然倍悚然

雨

八月十八日

策馬剛過筆架峰行宮

波羅河屯

平野到來重鳴鞭已喜雲

容重

去聲

稅駕遂看雨意濃似錦滿庭霑落葉如珠幾樹

賀長松此方秋麥雖弗種南望遙同慰老農

雨

六月初三日

庚子

剛覺山田微待澤大雲過午雨林絲無聲入夜有聲繼
潤物及時普物滋聽徹五更眠不忍思周千里慰應知
曉來頓異昨朝景滌盡炎歊峭爽披

山中

一雨山中頓似秋，
勅幾餘暇試為遊。
昨嫌坂色黃如濯，
今攬岡容翠欲流。
帝宮三農歌澤渥，
應知萬物沐恩稠。
更欣遠繾江南境，
都報霑膏速置郵。
北五省直隸河南山東山西陝西均奏報於五月得雨優渥，秋甘肅未據報到，而江南今據薩載吳壇陶鶚元先後馳報通省甘霖大霑處處霑足，秋成可期，一律豐稔，云云，竇為欣慰。

連陰

連陰三日雨絲絲

自六月初八日至初十日

弗不及還，弗過之時間。

聲時霏真意稱

去聲

既優既渥，得心怡山溪澗澗無暴漲。

苑樹青青喜濯枝此景塞中實艱至

塞山逢暴雨則溪流湍激奔騰下注

令連陰三日時作時止水緩溪平未至漲潦膏潤林麓實塞上艱至之事也

快晴今晚正相

宜

雨

六月十二日

滯雨晴纔間

去聲

兩日自晨達晚落絲銀每看急陣催無

止却慮渥膏勢已頻經事多因成畏事愛民久故切憂

民雲渝霞忽夕陽見額手慰餘益惕寅

陣雨

六月十八日

邇日欲作霖時霏時復止幸而未致甚意已盼晴矣傍晚生族雲勢自西北起電鞭催雷車擁雨傾盆灑叶來速過亦速快霽虹拖紫褰天歛纖翳吾心淨同此

喜晴

六月廿九日

暑節而喜晴足知雨多耳然實非過多慮多豫愁已昨近每作雲時細霏即止今曉勢似盛簷溜鳴不已適值時行際踴躍恐長此卓午雲漸散逮中無餘縷叶晶陽啟光明碧天淨如洗更當夏月盡秋孟明朝始時烜兆

西成變愁乃為喜

七月朔日

昨日璿璣判半年流陰迅勝逝波川所欣一夜達晨霽
散盡片雲淨遠天夕照向東看張王

二字皆作去聲讀
日向西邊則山

之樹陰
向東長

露光為武布芊眠邇來略簡拈題興裝本黃綾

欲滿篇

常年黃綾詩本率上下兩冊今歲因南巡題詠
較多分裝三本今下本亦祇剩二十餘葉矣

題項元汴東井硯

項家東井猶餘硯豈是五星所聚曾閣亦山莊額天籟

避暑山莊內有
閣亦顏曰天籟
殊其閒雅用非應

夜雨

七月初八日

夜雨符秋節

是日立秋

中宵枕上聽拂衾覺爾爽隔牖想其

形滿暑誠云好宜農可號靈洗車思杜句恨煞是雙星

杜牧七夕詩最恨明朝洗車雨不教回脚渡
天河蓋歲時雜記云七月八日雨曰洗車也

夜雨

七月十八日

晴經數日熱重蒸微雨雖頻霖未曾夜霖方長炎似滌
秋靈虞勝懼還仍都無十日得恒喜以有萬幾斯亦應

定暴山溪增潦水遲來閣報是明徵

翼日閣本當至薄暮尚無音信自因

山水漲發故

遲驛遲耳

喜晴

夜雨既優渥曉晴更爽朗風從西北來雲向東南騁

叶

意甫懼霖綿目乍忻霽象黍禾已吐穗秋陽暴資長獨
是漲潦盛行旅稻來往何事不關心為之增慨恍

中秋日作

細雲閣雨厯終朝傍晚翳氛喜淨消萬里陰晴同此日

十分圓滿又今宵平鋪塞宇全無滓朗燭鍾峰不待招
林外鹿鳴纔遞响訝疑何處玉人簫

微雨

八月十九日

慶節都過縟禮紛闌餘頗以靜為欣塞山靄靄雲旋布
秋宇雯雯雨細禁慮匪滌途勞跋涉思當麥坂利耕耘
將盈詩本疎吟咏

今歲黃綾詩本以南巡題咏較多分裝三冊茲第三冊已盈百葉吟咏畧

練於往時無乃吾心略懈勤

喜晴

辛丑

邇來恒喜晴所幸雨非甚京近麥收定塞外猶待稔霖
久虞發青將得患失凜此晴實利麥行旅追潦蹠雨得
慰一心暢承益懃恁

野橋

野橋架蘆園易成亦易毀前朝西北陰此晴彼雨矣傍
晚暴漲來橋即墮於水水過餘細流昨即興梁起過河

禮祇園所遲一日耳

每至山莊必於次日詣溥仁寺瞻禮以皇祖所貽佛宇也

依

例命徹收

過河詣溥仁寺拈香畢即命依例徹收以防伏雨盛漲仍俟秋涼再架俾省繁費

惜

物力亦理

熱

山莊避暑處早晚必爽涼今歲更副名卓午爽如常通
日始覺熱應催麥登場早或御袷紗午乃換單裳樹陰
坐颯炎歊原若忘四山蒸為雲便雨審何妨

雨

閏五月
十九日

自至山莊連日晴雖非望雨雨忻情濯枝潤葉相容與
急灑徐霏互變更梧几披芸暑全滌松簷落瀑爽新生

過河昨見麥收畢禾黍優霑慶長成

篋鞞用癸巳恭題

皇祖御用鞞詩韻

門前呈射年十二

壬寅歲余年十二侍門前呈射發矢連中每邀

皇祖於宮

仰惟

家法肆勤尚射癸巳歲敬以

皇祖御

用鞞十有二弄之篋衍用昭

手澤垂示萬年云

蒙

獎深恩識至今劼莪幸惟無忝

澤觀揚敢或有渝心步艱中鵠已常愧

自庚辰臂病後步射艱於持滿命中

每引為愧而行固藉馬力控射持仍以爲常也

馳可殫靡衆聽欽篋弄泐詞賡

舊韻永懷寧為寶球琳

即事

天晴聊作問山遊
倏忽飛來落雨稠
五步一楓十步柏
避霖勝彼閣還樓

喜雨

閏五月
廿四日

夏日雨多何致喜
喜雨知其為時矣
自至山莊率逢晴
便有陣雲霏即已
昨夜連纖遂達晨
歷辰卓午疎密繼
叶是誠優渥利大
田麥收況入倉囤
裏而予未免有後

言魯論注云適可止

喜晴

閏五月
廿六日

時作時止雨連朝恐至霖霖意已焦君子之德貴涵養
似我未免失之忤尋思此實因民耳籌農祈歲心誠勞
今晨日朗雲盡散碧天如洗迴次累額手慰哉慰繼懼
夏長秋收時尚遙

熱

山莊名避暑本自多爽涼邇來戶口滋烟火盛倍常以

是每致熱而熱却非長刀耕火種者況已遍巖岡頗藉
日為暄鬱蒸乃致穰是熱寧可無對時農務詳林下披
颯風亦每炎歎忘

雨

六月初二日

閏五下澣雨連此將十日其間偶作解非久亦非疾今
曉乃霈霑占協京房吉山田正勃長高下凡一律內地
虞過多馳諭詢其實

熱河竟日暑雨正於山田有蟲而近畿一帶又或恐有過多之慮因

降旨馳詢留京王大臣等令其迅速覆奏

晴

昨日雨至中間亦時作止然恐為霖霖已切望晴矣傍晚雲遂散徹夜間晴美晨復雲而輕迨已雲盡徒落落碧天高愁消繼以喜

驟雨

肩輿出巖齋碧霄本晴朗東北一片雲視之猶天壤輿人和雨來沿谷速行往汝速那如雲瞥眼空霽放叶豎灑復橫排繁聲及急響疊溪陡巖間落瀑紛漉沈盡態

與極妍千變更萬狀

叶

摩醯不知數關全安能

宋劉克莊

題關仝陂雨圖詩云四山昏昏如潑墨行人對而不相
覩又云異哉烟霏變態中山川墟市明歷歷其摹寫殆
不遺餘力然以視塞山陰晴倏忽
變現之真景猶未能彷彿一二也我織猶濕衣衆豈免
軟掌修霽一事無因教薄行賞

留京王大臣奏報雨不過多陰晴適均詩以誌慰

恐致霖霖驛問之

前以熱河竟日暑雨降音馳詢留京
王大臣據奏通日京畿一帶陰晴相

間雨水不致過多於
田禾並無妨碍云云

報來晴雨恰宜時豈能一晌無生

慰却見雲興又惕斯

望晴

大暑原值時行候作霖實亦難免爾一雨晝夜三日連
斷續疾徐率未止膩雲欲散旋復聚晦而幸明落更駛
山田易洩固不妨所慮低田關以裏馳諭大吏問情形
連日雨勢未已因念關內低田或致雨水過多馳諭
守伺詢問近日保定一帶是否不致有妨田畝并日內
永定河水勢增長更慮永定可循軌徘徊露立亟望晴
各情形迅速覆奏
萬姓之憂切一已陰金可畏乃若此其穰未誠誠易水

稱老

昔也吾不忍稱老

謂六十七歲以前

傷哉其意過已貌今也我

却可稱老悵哉末路恐難保復憶曾為壽者詠願老悲

老愚之道

丙戌歲詠金剛四相壽者云幾多願老還悲老云此非愚愚竟誰

古之六帝

我居七

考古帝王年逾七十者漢武帝梁高祖唐明皇宋高宗元世祖明太祖凡六帝元明二祖為創

業之君禮樂政刑有未遑焉其餘四帝不足為法詳見古稀說及七旬慶典詩

彼宜盡能保泰

好臨莅卅六年以久敢曰輕車熟路造萬畿或一之弗

謹失毫釐謬千里杳邇日正書抑之戒彼諸侯耳我亦

曉

嵐靄

嵐本山之氣靄則雲之容所以靄从雨而嵐斯从風朝

嵐夕靄語泛用原可通設定分朝夕

謂嵐必朝而靄必夕則不可

格

物理未窮嵐乃山夕涼謝

靈王維

語誠工

謝靈運射堂詩夕曛嵐氣

陰王維逍遙谷宴集序羣山夕嵐之語皆謂嵐氣為夕

商隱移之朝

李商隱詩徒望朝嵐與夕

曛是定嵐為朝嵐前此未有也

實未識山中國語謂鴉阿精注嵐所從

謂晚風息後降谷涼氣衝設終風弗息是日嵐無逢山

莊日驗之此事人知同悉端倪為什莫非造化功

立秋日作

六月十八日

快霽連朝實愜心

自十一日晴後雖每作雲而未雨十四日陣雨出虹遂快霽至今

又

逢白帝報初臨西南吉協占風此

每遇四立二分二至靈臺按例必報占風

率逢吉占風本無定況百里不同未必可信然今日熱河則實西南風也

季夏早緣遇閏今

避暑已欣天曠朗入秋更覺氣蕭森陰金惟慮多生水

寧可過晴弗願霖

俗以立秋日大雨為秋後主三秋多雨若竟日晴為秋鉞主三秋少雨今

年太歲在辛夏間而水濡足禾黍已極暢遂正貨晴晒結實為農慶耳

雨

六月二十日

立秋雖不雨應節弗踰三

昨日十八日立秋

晚稼猶資潤終朝未

致酣滌炎真是爽慮甚豈非貪酉刻雲容歛晴光朗萬

嵐

曉

昨日秋霖晚快晴曉來雲盡碧天晶湍川露氣青無灑
一嶺曦光白靄橫禾黍長成徹根潤菰蔿種後仰頭榮
將登萬寶侯非遠此際持盈懼益并

策馬

策馬出山莊閱隄還閱稼隄緣圖安居稼實闕豐化何
一非為民可以深居罷大田已吐穗晚種苗茂亞武列
流無定相勢籌防馮躬勘並疇咨一行兩資藉無逸而
有為晝長況餘暇

平旦

孟子言平旦惟戒人梏亡豈知曲阿明所被遍圓方粵

宛鼓太和清明含百昌夜氣於旦見匪謂陰勝陽

晝陽而夜

陰謂夜氣清明人以睡夢不覺旦氣清明人以接物而
梏亡之則可若謂夜氣勝旦氣則是謂陰勝於陽矣讀

孟子者
宜思此
我每因宵衣逢斯於山莊金烏扶桑枝滄滄復

涼涼露光堪淺蕪其芳襲人香林禽與原獸各自適其
常何所容好惡人物胥同良出王及游衍亦懷抑戒章

山中

山中秋信得來真樹張去聲清陰風爽神鳥似有情依客

語鹿知無害向人親隨緣遇處皆成趣觸緒拈時總絕

塵自謂勝他唐宋者六家詠未入詩醇予選唐宋詩醇凡六家其詩中

總未及
此地也

雨

六月二十九日

今日三寅錢明朝七月臨建旬不妨雨

昨二十日雨今將及旬雨固無

礙但明日為七月朔日宜賜方協農占

將朔恐為霖以此切思霽無聊屢

視陰晚來雲散盡慰矣倍生欽

七月朔日作

早矣火星流月茲真箇秋塞雲山腹斂玉露草頭浮且
喜心神爽那辭光景邁傍中賸薈蔚未免又關愁

雨

七月初二日

徹夜閒雲薄質明零雨微雖云追朔忌

七月朔日宜晴
方協農占昨初

一日幸
無雨

祗恐作霖霏聽響徐還疾省陰密也稀天衣傍

午捲額慶朗晴暉

喜晴

小雨旋晴詠喜晴可知喜自畏中生一年能得幾回笑
百歲都過大半程空宇蔚藍無點翳秋陽騰赤有餘晶
不惟追潦兼資潤菜圃蕎町正發榮

留京王大臣奏晴雨應時西成可望詩以誌慰

去年畿輔潦秋雨猶是辛金惕在心此每作雲必寄問
今歲自到山莊每逢暑雨必馳翰留京王大臣詢問近
畿雨水情形以辛金易生水恐復似去年秋潦也昨七
月初二日因熱河陰雨復經馳詢據奏前月自十六日
至二十八日天氣俱極晴朗是夜至初二日得雨二次
勢甚微細為時不久現在天已大晴田禾茂盛豐實其
低地前經大雨者尚可趕種蕎麥不至失收民情歡悅
等語為今稱久霽悉佳音黍禾速熟觀銍艾蕎菜補栽
之稍慰長聲去蔚森不啻追霖希有歲倉箱未納倍生欽

七夕

小雨即佳晴洗車暫副名不能畧節物況是喻蠶耕漢

苑神仙事唐宮兒女情寄邪及襄狎徒惹後人評

雨

七月十九日

快晴將十日小雨不多時

七月中旬雖二三次日雨然皆旋止不成分寸

今曉

濃陰佈過晨細霏披已看颯景潤更喜晚田滋適可還應止綿延踊懼之

晴

徹夜仍微霽達晨未散雲因之盼時霽乍喜歛濃霏目共諸山朗心依晚稼欣多慙緣望歲難可識為君

新月

一例人間中秋月可人隔年望已久西字見生新璫
影雲霞表冰光山水句鍾峰屈指數上聲幾日麗圓輪

中秋日作

散盡輕雲天四垂清輝萬里慶同披隨時過景聊成賞
舊日承

歡

有所思酉歲戌年却孤此

是二年以在二十七月
月中未至避暑山莊

亥秋子

節又踰其

乙亥以後仍至山莊
今度中秋又三歲矣

電光三載幻如是桂

魄七言詠可遲

九日登高作歌

九日登高傳自古興來今日吟杜甫笑他未識此中佳
藍水玉山奚足伍塞峰蒼翠天沱寨潭清武列翻銀濤
俯仰間可會萬理詎惟即景恣清遨試云萬理如何會
高字其義所包大天之高也日月運地之高也萬岱最
奉茲三者曰惟君君之高也仍藉民徒恃厥高弗恤下
危乎危哉高將淪名之高者實或墮言之高者行難隨

曲高六律和必寡堂高數仞終就卑儂數上聲斯其小者耳然則欲高有何美一覽七字促成章登高降下仍茲理

關外壬寅

昨日雨由東北過雲脚行山亦恒理凹坂漸車略餘瀼紗衣破塞度迤麗豁弗致漲田受益高下禾黍芄如洗雖為澤惜欠渥優每不知足自責已絜矩人情胡不然為君難此一端耳

山雨

五月十七日

山雨渾無定可期昨宵今曉疊霏絲逮今又復一時灑
入地原艱二寸滋却已霑衣羣僕怨幾曾潤稼老農嘻
人情忖度為田處無定心如之望之

晚雨

晚雨作止凡數陣頗盈溝澮蹄涔雖云其潤可立待
究滋禾穎與麥鉞入夕雲捲東南去過望月上喬松陰
不足為慰仍增眊僕從却喜無潦浸

留京王大臣奏報得雨詩以誌慰

邇看雲起每從南得雨茲欣啟奏函春夏霑膏內勝外

西東度寸二和三

今年春夏之間京南已被膏雨近京雖雨次被雨尚欠優渥然關內較勝

關外茲留京王大臣奏京城於十七日亥時至十八日寅時得雷雨數陣城西約有二寸城東約三寸餘

麥

收已畢禾滋長旱象雖消豐敢談批摺正斯對嘉霽從來於澤豈辭貪

山雨

五月十九日

山雨自西南令番勢甚酣歷時已過二度寸不惟三激

地噴銀沫飛空掩翠嵐
沃心愁畧釋稼穡作真甘

咏木刻屏

有鶴山莊不剪翎
任其飛去任居停
胎仙惜此經雕刻
木雁同他却肖形

右鶴

角弗解而毛弗毳
食苹林下自相尋
似呼窗外呦呦者
勝爾全無避害心

右鹿

熱

六月朔
日作

初至山莊得陣霽渥潤三寸已不啻其後雷雨縱間作
旋落旋晴日三四塞外春夏之交旱小霑究仍欠優暨
侵尋弗雨又過旬竟覺炎歊騰嘆勢禾黍雖已拔苗齊
五日不雨將姜地近京畿南屢報澤留京王大臣及順
天府尹直隸總督
屢據奏報雨澤而此間
經旬炎暎殊切吟望
遠澤安能為近濟適來適值為
民憂斯吾責豈他人事

晚雨

六月初
一日

向晚山雲四面鋪
盆傾片刻霽斯須
平岡劇土剛霑寸
不為去聲慰哉祇益吁

夜雨

六月初四日

昨晴已無望
夜雨忽驚夢
乙更至戌籌
時疎時密壯
殷雷空宇聞
颯爽輕帷送
忽覺瓦簷間
琴竽紛響弄
疑夢欣却真
曉庭土香貢

朝晴

夙興不能眠
那待農圃問
命人闕地看
入土霑四寸
茲

乃山岡上平川更無論禾黍苗已齊迴蘇助長迅餘澤
及原鹿新草飽芳潤

今歲塞外覺旱草未長齊此雨不惟益農蒼無物不被澤也

偶見

肩輿問景傍山行偶見牽麕樹根委試尋其母那見蹤
應畏人多避林裏弱毛淋滌尚帶濕脆支吟嶢未能徙
終日無乳將餓斃設遇野狐且嚙死命人遙立護視之
待其母來領去耳其或牝鹿忘相尋抱去乳育亦誠美
纔過半時視者報牝鹿出林旋顧子舐之哺之腓字之

須臾能行隨去矣吁嗟獸尚有天倫儼若人害弗知是
於物不忍有若斯況敢酷吏聽用彼時臨大暑思及此

赤子心

皇祖避暑山莊詩辛卯同我七十二

皇祖避暑山莊
三十六景詩成於康

熙辛卯計今
七十二年矣

而我十二扈

蹕來即令花甲正週暨

康熙壬寅歲余年十二扈
至此今瞬息又週壬寅詳見晴碧

蹕

亭憶
舊詩

其間憂樂寶紛哉綠水青山本無事雖然

聖日照萬年谷陵豈共光陰逝願言不失赤子心羨牆恒

見寶繩繼

喜雨

六月十三日

昨晚即生雲終日陰醞釀入夜始細霏今晨更酣暢時
密復時疎過午晴未放既優亦既渥盈尺殊難狀回憶
己卯歲值旱驗陽亢三冬既闕雪春夏徒雨望步禱謂

南郊蒙

佑嘉霽貺其日同茲日

己卯歲六月十一日躬舉

大

今歲月日相同而今歲上年冬雪既優表夏亦屢得雨
澤不過未十分霑足耳是以並未舉行大霽之禮

茲自十二日夜雨連旦至次日未申
間未止更爲霑足恰與己卯同日云

而茲寶勝向屢雨

春夏逢所欠霑足償此番乃大霑
歷久被應廣京畿及北塞秋收庶其諒
額手至益懼祈年勤輔相

喜晴

一晝夜雨適可矣今日快晴良足喜
朝猶聚散雲霏絲卓午西北風隨起
薈澹漸歛露曦光天宇空澄翠藍洗
剛這懼旱虞作霖一心無定自咎爾
雖然躁急鮮雍容勤民不知疲樂此

點竄張照書聯語二句因口占促成

侍臣聯句猶粘壁前席無端畧憶初似此精神能永注

每省照書如甫就墨潘未乾此精神所注非趙董所能也謂他趙趙品類董董其昌或難如雨

言即景未詳熟

照書聯云四面有山皆入畫一年無日不看花不知誰所作也

五字返

躬因易予四海有民皆視子一年無日不看書

起句易四字對

句祇易一字

陣雨

六月望日

昨朝雲散盡今曉日騰光傍晚晚陰西北毆風雨霈霽旋

晴真是幻當夏此其常碧宇新藍蔚生衣切嫩涼

留京王大臣奏報京畿晴雨應時詩以誌慰

此間暘雨協運總念京師是日即郵報曰時占若宜早

秧已勃長晚種亦興耔

留京王大臣等奏報京師自十三日以前得有透雨後即於十

四日晴霽早禾茂晚禾亦及時趕種農民甚為欣悅

既慰還因懼秋成尚久遲

驟雨

六月十八日

山雲霽霽挾雨來始如處女後脫兔恰值肩輿谷中行
倒峽傾盆紛布濩退實無當進或過油繖支撐向前赴

製衣

雨衣也

不漏莫如瓦猶喜茂林作蔽護須臾亦復歸

山齋僕役淋濕例賞素因思行軍有若斯遲疑萬事率成誤

曉晴

入夜猶細霏凌晨遂快晴萬山歸鰲贛四字濯光晶心以籌農慰興緣即景生拈毫成五字兩目乍因明

白玉鳩頭杖口號

白玉鳩頭刻杖扶即今健步尚非須山莊置待耆艾用

耆艾猶能至此無

批摺

批摺勅時幾政務關綦要而於籌雨暘更切農功劬今年江以南大率時若告山陝及甘肅亦不愁旱澇京畿接齊豫三省益同調春末至夏初縱雨勿優膏逮六月

上旬盈尺澤方樂此地近外藩俱已渥霈報

熱河及蒙古札薩克

地方均於六月初八并十三等日得有透雨十分霽足京城并直隸各屬亦據奏報一律普霽

齊豫較

却遠陸續茲奏到

昨當勤渾奏報豫省六月十一二日大雨霽霽速宵達旦十分透足今據

孫士毅奏東甯於六月初七八及十二三等日連得
雨澤各屬亦陸續具報入土深透秋成可卜等語
大

田及晚種均可秋成約更幸每快晴未致愁霖淖雖然
秋尚遙惟慎志敢傲

上駟
院名司
御馬

上駟有執司殷勤調御馬卿郎分等級僕役亦弗寡天
閑數甚多本自殊高下御馬為最高尊上禮固也愛之
異羣駕盡心護珍若叶細秣與生芻勤飼無時舍雖未
至塗廛僕綠實於夏却非掩不意馬喜勿驚訝叶然而

習之安過猶弗及惹鞍轡值施乘平聲誰為蠅拂把偶過

市以行蚊蠅紛至且他馬故如常

謂扈蹕衆人之習以為常不避蚊蠅御

馬難禁者未免或抵突騎熟原安雅笑而謂上駟此愛

可弗假

謂愛馬也

即事格物理語異莊生寫

按莊子人間世篇云愛馬者以筐盛矢以蜾蠃溺適有蚤蚩僕緣而拊之不時則缺銜毀首碎胷者蓋言蚤蚩嚙馬僕御因而拊之不時也刻本注音僕為普木反為撲向秀注云僕僕然蚊蚩緣馬稠穢之貌又

引崔譔語音如字訓僕僕御是古本有僕御之說夫
掌馬之官曰太僕御車者亦曰僕音訓甚明緣即因
也若如向注僕僕然不特文義支離且拊者屬之何
人蓋因刻本以蚊蚋僕緣讀斷是以強為牽附若韻
府因讀為撲竟直書為撲緣則又訛以傳訛矣今以
適有蚩蚩為斷句讀則下文僕緣而拊之不時句訓
解了然因詠上駟詩憶及此語郵致內府所藏宋本
莊子詳加校正有此兩說而崔說所云僕御義較明

晰實為先得我心因命改正韻府本并附識於此

熱

快晴將逮旬朱明勢騰暑興州人烟湊熱亦較前鼓山
莊林木佳原有風涼所却慮扈來人豈盡得廣宇大田
縱^上茂長^聲曝曦葉微俯以此雖自爽念衆為之憮巘雲
傍午濃時行庶霈雨

雨

六月二十七日

岡坂甫覺乾炎蒸近頗遽常年望晴際轉為望雨處四

山蔚垂雲倏忽飛嘉霽傾倒復悠揚瀾漫亘布護須臾
簷瓦間紛落如瀑布既以溽溽暑亦更利農務旋霽颯
爽涼雨得欣一遇

立秋日作

六月二十九日

立秋無雨恐雨短雨而無止虞雨多短為不及多為過
與其過寧不及嘉^叶秋愁雨多弗愁短今年況值三白

科

俗稱九宮三白落地多雨
是年七月值三白在下

夏行霖霈已霑足時陽實

幸宜黍禾朝來白藏正入律金風颯日輝巖阿協時惟

是慰為惕七言聊當占農歌

晴爽

七月初二日

農諺有常談勤農時記心不畏初一雨却畏初二陰昨
晚作細雨入夜簷泉斟踴懼明不止為去聲之弗安衾何
期五鼓晴詰曉雲歸岑徐觀石挺邊曛曠旭日臨爽氣
拂素宇輕籟吹密林新秋景信佳對時開懷襟開襟詎
敢驕額手謝為吟

秋光

秋光日日深秋氣肅千林露綴枝凝白風翻葉閃金曉
寒愛初旭午熱逐濃陰霽景饒旬浹微生望雨心

晚雨

七月二十日

傍晚山雲四面生細絲雄竹一時傾庭前剝土剛成寸
再霽為佳更繼情

喜雨

七月二十七日

秋愁雨滯弗愁稀今歲無端望雨霏三白方虞兆霽沴
俗稱九宮中三白落地為多雨今歲七月
值之方虞雨多乃多晴望雨亦稀事也
旬餘却畏熾

炎暉簇雲四字乍濃布嘉霽萬行旋暢飛蕎菜迴蕪應
勃發拈吟惟是切民依

爽

秋孟月將盡秋炎歲所稀幸因一雨滌合有五言揮平

熱辭庶廈晨寒欲裕衣復虞霜早降

塞外地寒恐八月降霜亦礙晚稼又

念為塵君子貴知幾

留京王大臣及順天府奏報雨詩以誌慰

昨覺山莊乃望霖京畿何若更縈心誰知問澤繞馳信

遂有霑膏來報音

昨因晴霽日久恐京師望雨馳諭詢問留京王大臣及順天府茲據奏報

二十七日京城得有雷雨勢甚綿密城外約入土五寸秋禾得此甘澍結實倍為堅好蕎麥均有裨益

重

穆晚禾粟資飽塊蕎麥穎蘇森吉占祈歲能無慰慰
即虞驕祇茲欽

秋熱

秋雨今年遲秋熱今年永雨遲稼長慢熱永稼熟等秀
實穎而粟有獲農家幸早晚原爽涼山莊寶仙境食草
鹿漸肥物亦知時景

中秋日作

是日食

早是靈臺算法呈時前節供例申誠

欽天監奏八月十五日亥時月蝕是

日為中秋節應修供醮於月初上時以在初虧時前以例行之

不書詎可若無事月姊

謂當同日兄

此次月食禮部以時值中秋節奏請文武各官朝服敕護余以日月薄蝕非經行常

度向於宮中皆素服拈香行禮百官亦應素服將事因降旨嗣後遇此等事雖當應穿朝服之時亦仍用素服

行禮著為令

更聲

過何妨喻君子修刑鑑以憶齊卿須臾端

正人皆仰鏡水屏山倍朗明

雨

八月十八日

侵曉四山蒼蔚皆辰過風雨遂潏潏濯枝潤葉非雄放
苗葉秀蒿正渥諧且罷乘輿入深樾恰宜點筆坐虛齋

解災灑道真稱吉

今年八月十五日月食秋微旱魚鹽貴又曰

三日內有雨則解茲十八日得雨恰符三日
之占又明日木蘭啟蹕灑道清塵尤為便利適可還應

止更佳

欽定熱河志卷十二

欽定四庫全書

欽定熱河志卷十三

巡典一

粵昔觀河遊華巡典聿興逮夫夏諺美豫遊之度
周詩揚袞對之休展義宣風歲時臨幸亦近在畿
甸而已

聖朝聲教廣訖邊關以外與中土郡邑無異而木蘭園
場草木之茂禽獸之多秋田獮狩若苑囿然所以

習武功于徽塞所以盛王會于遐藩

德莫隆焉

威莫重焉洪惟

世祖章皇帝清蹕肇臨

聖祖仁皇帝六飛時御于苗典則昭示來茲我

皇上迪闡

前光以歲辛酉

親蒞行圓嗣乃間歲一至後遂定為秋巡

令典每諏期戒道敬奉

安輿闕門士庶瞻仰

光華藩部名王歲時來辟施惠行慶朝覲宴賚之禮于
是乎行焉謹排次年月志

巡典第二至夫

巡覽經臨

幾餘遊詠山川煥采

雲日增輝恭錄

聖祖御製巡行諸詩敬冠卷端我

皇上巡幸篇什分年編次用光

懋典若夫行圍射獵之詳則別載圍場門云

聖祖御製詩

巡幸出喜峯口過黃土巖

初集

紫塞雙厓出丹梯百尺懸草香遮細路樹老卧晴烟地
為時巡到山當隘口徧何年留石室駐馬望層巔

塞上諸宴藩

龍沙長宴塞雲收帳外連營散酒籌萬里車書皆屬國
一時劍珮列通候天高大漠園青嶂日午微風動綵旂
聲教無私疆域遠省方隨處示懷柔

入喜峯口

一道鳴鑾度三驅振旅還莓苔天平石松枯雨中山險
設關門壯時清堠火間

孝陵佳氣近縹緲翠微間

夏日奉

太皇太后避暑興安

玉輦親扶出鳳城青霄遙指五雲生
鳴鑾日映中天永避暑風來北塞清
萬里山河通遠徼九邊形勝抱神京
登臨但得

慈顏喜長侍瑤臺歲歲行

曉發古北口望霧靈山

流吹凌晨發長旂出塞分遠峯猶見月
古木半籠雲地迴疎人跡山迴簇馬羣
觀風當夏景澗草自含薰

駐蹕興安八首

并序

出古北口岡巒盤互地形漸高行五百里至興安
峻嶺竦峙自張家口蜿蜒而來橫亘塞外南北諸
山盡出其下地當蒙古諸部道里之中為曩昔枕
戈擐甲戰爭之所迫我

列祖肇握乾符恢廓天緒德威所被四十八部罔不傾心
內附古之甌脫今隸方輿癸亥夏六月奉

太皇太后避暑來游駐蹕于此炎歊不至清風滿林山雨

既濡萬卉齊發于是遠邇大小藩臣各率其屬趨
侍行殿既于苗以講武事復燕衍以懷遠人撫此
遐陬在禹迹方行之外聲教四訖皆

祖功

宗德之貽朕今紹祚獲際昇平能無永念乎即事書懷德

詩六首

祖德隆

三后

天心廓九圖謳歌通毳幕風雨想戎衣一自車書合長省
職貢歸黃圖無內外時邁有光輝

其二

特奉

仙輿出晴巒駐羽旄鳳多停彩扇驛遠進冰桃麗草金蓮

湧寒上多金蓮花
較清涼山尤勝濃陰碧樹高墉臺新月上廣樂奏雲

璫

其三

重嶺疊雲烟旌旗拂塞天草香薰翠幄花暖接紅川雁
磧長城外龍荒勝地傳回瞻亭障遠千里抱幽燕

其四

六月浮埃淨高居暑氣消千山低接帳萬木迴凌霄地
擁邊沙濶天臨塞曲遙封章達行在銀燭秉涼宵

其五

虎戟間清候逍遙覽物華烟籠千樹柳暑發四時花風
土暄涼異山川道里賒濯枝新雨歇皎皎散飛霞

其六

地脉連荒服山形赴上陘炎歊移月令分野別星經
樺屋參覃白松林斷續青雲沙一萬里屬國盡來庭

其七

邊雲澄霽色山翠點行衣馬引雕弓過禽連羽箭飛
旌旗開一面草樹入長圍我武當蒐狩非因耀德威

其八

紫塞行巡日琯輿問俗年大庖陳折俎仙醴秩初筵
屏

翰金湯壯光華賜予宣示慈良有意哀對在敷天

巡歷塞北雜詠四首

疊嶂層崖一綫開草深徑路絕塵埃龍沙雨後灤河水

日夜朝宗入塞來

其二

雲開灌木萬山清縹緲前旌拂曉星漫道窮荒人跡少

幾家烟火簇邊庭

其三

職方風土有遺書問俗今還一駐車
禾黍近來耕稼滿
烟鋤雲錦遍新畬

其四

塞北風多露氣涼
幔城坐聽漏聲長
只今六月渾無暑
已見飄來木葉黃

迴鑾抵古北口

黃谷清河古戍間
鑾車此日省方還
長林曲抱千溪水
小徑斜通萬仞山
地扼襟喉趨朔漠
天留鎖鑰枕雄關

時平不用誇形勝雲物秋澄片堠間

塞外省覽風俗

莫道巖關險要荒總一家成樓無鼓角戰壘是桑麻野
靜知民樂時清見物華林中歸徑晚旌旆蒲烟霞

再至紅川避暑

塞外留鑾蹕長林帳殿幽乍看南火厯已動北山秋露
冷輕葵簷花寒御綺裘重來欣勝賞斯地即丹邱

迴鑾至鱗鬣口秋雨初霽對月

纖月高林動輝輝古塞長冰輪初濯露桂影欲飄香鳥
鵲聲頻起關河色共涼旌門陰眺遠萬國自清光

出古北口

二集

年年秋猶此經過硝石天成險隘多沙漠名王皆屬國
但留形勝壯山河

將之山莊四首

三集

畏暑心何勝平明出玉墀萬幾豈歇息臨政有疇咨

其二

暖溜自平地風光此日佳
暄波由近發浩澤無津涯

其三

駐輦相風竿臨書羨五傳
情瀾分暑節疏爽須葵扇

其四

霖雨消塵蹟輕霞照野荆
詞臣每扈從上賞賦昆明

迴鑾
四集

獵罷迴鑾塞冷時昊天今歲落霜遲
園人競帶甘肥脯田叟爭收高下麋
穀賤共知欣有食物多須記守長規

西成盈野倉箱滿闕內依然是所思

順治八年四月乙卯

上啟蹕巡幸塞外癸亥出獨石口五月甲申

駐蹕上都河丁亥

駐蹕喀喇河屯己丑入古北口癸巳

上迴宮

康熙十六年九月甲申

上啟蹕恭謁

孝陵禮成

巡幸塞外已丑出喜峯口乙未

駐蹕和爾和克必喇丙申

迴駐喀喇河屯

賜來朝喀喇沁郡王扎什鎮國公烏特巴拉等弓矢庚子
駐蹕達什喇卜齊昂阿先是

命喀喇沁郡王扎什鎮國公烏特巴拉一等塔布囊什達

及三十二塔布囊精奇尼哈番副都統等以兵一

千五百名來為嚮導是日

上御幔城外各

賜冠服韉帶銀幣有差壬寅入喜峯口

是日達蘭蘇默見道旁駕經

卧者遣侍衛往問覆奏民人王某自邊外傭工歸
乏食僵卧不能起上曰誰非朕赤子可食

以粥並命喜峯
口遊擊杜昇資送回籍十月癸丑

上迴宮

二十年三月癸酉

上奉

太皇太后啟蹕幸遵化州湯泉因

巡幸塞外四月庚寅出喜峯口丙申

駕至拜察丁酉

駐蹕和爾和戊戌

駐蹕必爾罕己亥

迴駐烏蘭岡安丁未入喜峯口五月乙卯

上奉

太皇太后迴宮

二十二年六月癸未

上奉

太皇太后啟蹕巡幸塞外丁亥出古北口戊戌

駐蹕烏拉岱庚子以天旱

命建壇祈雨是日甘霖大沛丙午

巡視英錫爾哈等處甲寅

還駐烏拉岱庚申奉

太皇太后幸拜察丙寅

御黃幄設儀仗

賜來朝科爾沁喀喇沁翁牛特土默特教漢奈曼克什克
騰阿巴噶喀爾喀諸王貝勒貝子公額駙台吉及
蒙古官兵等宴

頒賜蒙古王公及管領圍場各王公等冠服鞞帶有差七
月庚午朔

御黃幄

賜管領圍場阿魯科爾沁郡王色楞額駙巴特瑪及台吉

等宴是日奉

太皇太后自拜察

迴鑒

駐蹕胡土克圖布拉克

賜色楞等冠服鞞帶弓矢及官兵等銀幣有差辛未

諭各蒙古王公額駙台吉及官兵等曰今阿嚕科爾沁翁
牛特二旗盜賊甚衆為盜賊而致富者能有幾人身被
惡名被獲則死凡富貴皆由天命違理妄求能必得乎

爾等各遵法守分有一二牲畜者擇水草善地畜牧能
耕田者勤于耕種則各得生理天亦佑之倘有貧困至
極無以聊生者該管之主宜加撫恤使之得所朕本內
外一視並無分別爾外國遇年歲荒歉朕即運糧米賑
濟或有困乏即賜牲畜緞匹無非慮爾等失所此番巡
幸爾等或有過犯朕並不執法治罪且頻加賞賚嗣後
爾等宜遵守教諭革除惡習以副朕好生之意科爾沁
親王班第等率官兵等惟忤奏謝庚寅入古北口甲午

上奉

太皇太后迴宮

二十三年五月甲申

上啟蹕巡幸塞外丁亥出古北口戊子于偏嶺西山行圍

殪虎癸巳

駐蹕阿里瑪台

賜八旗護軍校等牛羊六月壬寅

駐蹕蘓拜昂阿伯勒齊爾

諭扈從諸臣禁踐踏禾苗癸卯

駐蹕庫克哈達乙巳

賜扈從八旗章京護軍及蒙古察哈爾護軍等牛羊丁未

於錫爾哈摩琳阿林行圍殪虎壬子

駐蹕額爾通色欽

先是庚戌扈從諸臣奏牧地烏蘭哈達等處饒水草多

駕將幸

道行圖便從行軍士

上以其地艱樵採不命別擇地以聞

甲寅

諭副都統巴圖等曰邇外八旗蒙古與內八旗一體今朕

巡行之次見具衣食常乏深為惻然著通行曉諭所過

地方蒙古人等有鰥寡孤獨老病不得其所者今其來見加恩賞賚且因其來見朕亦可以悉其生計

嗣是諸蒙古人

等日扶老攜幼汎首

行宮前叩首

上

命曉事者進見詳詢年齒生理降

旨賜飲

食量給銀

乙卯

布有差

駐蹕額爾通阿拉

御黃幄閱馬駝牛羊牧羣

賜溫郡王延壽自擇內廐馬二匹

扈從內大臣都統前鋒統領護軍統領等內廐馬各一匹

侍衛前鋒叅領護軍叅領以下至八旗前鋒護軍
察哈爾蒙古官兵及執事人等各馬一匹時前鋒
叅領錫圖塔爾岱以効力行間人材壯健

命加賜內廐馬一匹以獎之辛酉于哈馬爾阿林行圍殪
虎七月乙丑朔

駐蹕昆都倫拉克

賜扈從八旗官兵及蒙古察哈爾官兵牛羊癸酉

駕至拜察乙亥

賜克什克騰都統叅領佐領驍騎校等蟒袍綢緞及兵丁
等銀布有差八月乙未

駐蹕烏拉岱丁酉

賜科爾沁端敏公主翁牛特和碩郡主蘇尼特和碩郡主
緞匹鞍轡巴林王納木達克貝子烏爾占溫春冠
服金帶弓矢鞍轡額駙阿喇卜坦台吉格呼勒圖
等以下護衛典儀以上並扈從都統副都統官兵
等冠服鞞帶弓矢銀幣布匹有差壬寅

駐蹕僧機圖哈達

賜扈從八旗官兵牛羊丙午入古北口戊申

上迴宮

二十四年六月己巳

上啟蹕巡幸塞外癸丑出古北口七月丙寅

駐蹕都呼岱浩齊特郡王策卜登奏歲饑請賑

上諭理藩院遣官赴浩齊特速察饑民戶口以聞己巳

駕至拜察癸酉

駐蹕錫布赫海塔哈理藩院以浩齊特饑民戶口奏聞
命以拜察儲粟一千石運往賑之八月癸巳

駐蹕齊老圖

賜察哈爾官兵衣幣銀布有差丙申

駐蹕伊瑪圖

諭八旗察哈爾官兵曰爾等自

太宗皇帝時皆編旗分佐領愛養有年今朕巡行邊外講
習武備見爾等人材壯健頗諳體制與京師八旗無異

朕所以獎勵爾等不分內外一視同仁嗣後各宜善為畜牧力勤農事謹守成法勿為盜賊如此不特人皆得所即朕任使亦有裨益矣察合爾游牧總管及各官兵等皆懼怯奏謝已亥

駐蹕僧機圖昂阿庚子

賜來朝科爾沁翁牛特巴林教漢諸王貝勒額駙台吉等衣服韉帶及官兵銀緞布匹有差壬寅

駐蹕烏拉岱丙午

駐蹕拜布哈昂阿

賜翁牛特修路官兵銀緞布匹有差乙卯

駐蹕烏爾格蘇台丙辰

賜哈喇沁郡王扎什以下及官兵等冠服鞞帶銀緞布匹

有差九月戊午朔

上自博羅河屯迴鑾己未

上迴宮

二十五年七月辛亥

上啟蹕巡幸塞外八月癸丑朔出古北口己未

駐蹕烏拉岱辛未

駐蹕烏爾格蘇台

賜喀喇沁郡王扎什翁牛特郡王必里袞達賚及各台吉
等冠服韉銀緞布有差甲戌入古北口丙子

上迴宮

二十六年八月己酉

上啟蹕巡幸塞外辛亥出古北口癸丑行圍殪虎二

駐蹕博羅河屯庚申

駐蹕烏拉岱壬戌

駕至巴隆桑阿蘓台甲戌

迴駐博羅河屯

賜喀喇沁郡王扎什翁牛特郡王之母和碩公主及郡王

必里袞達賚各台吉等銀幣有差乙亥行圍殪虎

駐蹕伊遜必喇九月丁丑入古北口己卯

上迴宮

二十七年七月丙戌

上啟蹕巡幸塞外戊子出古北口壬辰

駐蹕喀爾必哈哈達

是奉舊名納哈里狀如浮圖高百餘丈上率文武諸臣仰射連發

數矢皆過峯頂侍衛桑格納拉善射僅至巔餘不能至上駐蹕賜名喀爾必哈哈達

八月癸卯行圍殪虎

駐蹕巴顏溝癸丑

駐蹕伊瑪圖聞浩齊特貧困

命以拜察米五百石銀千兩量給之甲寅

賜隨園八旗察哈爾官兵等銀緞布匹有差壬戌

駐蹕烏拉岱和洛癸亥

駐蹕烏里雅蘇台達巴罕喀爾喀洪豁爾岱青台吉等率

屬來朝

上以御用珊瑚數珠賜之

嘉其先報厄魯特軍情
又首率衆台吉來謁也

賜來朝翁牛特巴林土默特教漢扎魯特阿巴噶喀爾喀

諸王貝勒貝子公台吉塔布囊等並扈從諸王文

武大臣八旗官兵等宴丙寅

駕迴駐烏拉岱和洛九月戊子入古北口辛卯

上迴宮

二十八年八月癸酉

上啟蹕巡幸塞外丙子出古北口

諭扈從諸臣曰前諸王大臣以朕因歲旱之故抑鬱靡寧兼遇喪事體加勞瘁再三懇請行幸郊外以養朕躬朕允所請而行內地荒旱已遣官往察今觀口外田畝亦因旱歉收故朕于此處貧民悉行補助又聞此地馬斃

甚多恐無知者罔識朕心乃謂朕以游嬉而來也是日

賜口外居民銀兩丁丑

駐蹕富勒堅噶山

上以諸蒙古歲旱乏食

命內大臣大學士等會議運米各口分賑各扎薩克清察
戶口王台吉等親督領米喀喇沁翁牛特巴林為
一起土默特教漢奈漫為一起蘇尼特察哈爾八
旗為一起扎魯特阿魯科爾沁為一起核實散給

戊寅

駐蹕博羅河屯

賜什巴爾台居民銀米已卯至張三營

賜居民銀米丙戌至巴隆桑阿蘓台戊子

駐蹕烏拉岱昂阿九月戊戌

駐蹕拜察和洛以喀爾喀信順額爾克岱青等六台吉所

屬歲饑遣官察視行賑辛丑入古北口癸卯

上迴宮

二十九年七月癸卯

上啟蹕巡行塞外丙午出古北口

諭大學士伊桑阿尚書顧八代曰朕沿途閱視見所踐田
禾過于朕初時諭旨部中丈量者惟恩格木噶山以南
過此並未丈量何地非朕赤子可令侍郎賽必罕即自
口以北至坡賚噶山凡所踐田禾作速明悉丈量已酉
駐蹕博羅河屯壬子自博羅河屯

迴鑾八月庚寅入古北口乙丑

上迴宮

三十年四月丁卯

上啟蹕巡幸塞外察視各蒙古生計又以喀爾喀土謝圖

汗等率屬來歸

親臨撫綏安輯壬申出古北口甲申

駐蹕海拉蘇台

自海拉蘇台
喀入覲宴資及編旗
錫爵諸典禮皆於多

倫諾爾
舉行

五月辛卯自多倫諾爾

迴鑾己亥入古北口癸卯

上迴宮

閏七月乙亥

上啟蹕再幸塞外辛巳出古北口乙未

駐蹕烏拉岱九月丁巳入喜峯口乙丑

上迴宮

三十一年七月乙亥

上啟蹕巡幸塞外八月己卯出古北口癸巳

駐蹕烏拉岱壬寅

駐蹕永安湃達巴罕癸卯

賜來朝喀爾喀哲卜尊丹巴胡土克圖土謝圖汗親王策

旺扎布貝勒錫第錫哩台多吉爾濟額爾德尼阿

海等宴

頒賜冠服蟒緞弓矢有差九月庚戌

駐蹕熱河湯泉以喀喇沁行圍効力

賜郡王扎什以下及官兵等冠服蟒緞弓矢銀兩有差丙

辰入古北口已未

上迴宮

三十二年八月癸未

上啟蹕巡幸塞外丁亥出古北口己亥

駐蹕錫伯必喇

賜來朝科爾沁喀喇沁翁牛特巴林土默特教漢阿巴哈
納爾諸王貝勒貝子公額駙台吉塔布囊等並扈
從文武大臣八旗官兵等宴

賜隨園喀喇沁塔布囊以下及官兵等冠服鞞帶銀緞布

匹有差九月丁未

駐驛烏拉依癸丑

駐驛僧機圖哈達昂阿

賜喀爾喀哲卜尊丹巴胡土克圖土謝圖汗諸王貝勒台

告等冠服蟒緞鞞帶弓矢刀鞍有差丙辰

駐蹕齊老圖昂阿

賜喀爾喀郡王昆都倫博碩克圖袞布等冠服鞞帶有差

庚申

駐蹕巴達喇噶山

賜翁牛特貝勒額勒德卜台吉鄂齊爾土默特貝勒額爾
德木圖喀喇沁鎮國公善巴喇錫等及隨圍喀喇
沁塔布囊以下官兵等冠服鞞帶弓矢銀緞布匹
有差甲子入古北口丁卯

上迴宮

三十三年七月庚寅

上啟蹕巡幸塞外甲午出古北口八月乙未

金史卷之十三
卷十三
駐蹕拜布哈昂阿

賜喀爾喀哲卜尊丹巴胡土克圖等冠服蟒緞有差九月

癸酉

駐蹕喇嘛洞

賜喀喇沁郡王扎什等冠纓蟒緞銀兩有差乙亥入古北

口巳卯

上迴宮

三十四年八月壬辰

上啟蹕巡幸塞外乙未出古北口戊戌

駐蹕博羅河屯

上以巴林翁牛特歲不登

命學士喇錫前往察視分別詳奏辛亥

駐蹕札哈烏里雅蘇台

賜喀喇沁郡王扎什等冠服緞匹有差乙卯

駐蹕噶海圖

賜喀爾喀哲卜尊丹巴胡土克圖土謝圖汗郡王敦多卜

多爾濟等冠服緞匹有差九月戊寅入古北口辛巳

上迴宮

三十六年七月丁未

上啟蹕巡幸塞外八月庚戌出古北口乙亥

駐蹕畢圖舍哩

賜來朝喀喇沁翁牛特喀爾喀諸王貝勒額駙台吉等銀

幣有差九月甲申

駐蹕汗特穆爾達巴罕厄魯特台吉丹濟拉來降至

御營朝見辛卯入古北口甲午

上迴宮

三十七年七月甲戌

上以噶爾丹蕩平

躬詣

盛京謁

陵告祭

時以山海關一帶秋禾在地
命取道口外前往

辛丑奉

皇太后啟行甲辰出古北口戊申自唐三營前詣

盛京癸丑

駐蹕喀喇沁和碩端靜公主第和碩端靜公主和碩額駙
噶勒臧進宴甲寅喀喇沁郡王扎什等進宴

賜和碩端靜公主和碩額駙噶勒臧銀幣庚申

駐蹕哈喇托海教漢郡王扎木蘇等進宴壬戌

駐蹕珠爾噶岱哈達教漢和碩額駙齊倫巴圖爾等進宴

自科爾沁境詣

盛京禮

成由山海關

迴鑾

十一月癸未

上奉

皇太后自

盛京迴宮

三十八年閏七月癸丑

上啟蹕巡幸塞外丙辰出古北口己未

駕臨沙喇諾海達巴罕

賜名阿布達爾八月甲申

駐蹕齊老圖昂阿

賜來朝科爾沁喀喇沁巴林教漢阿魯科爾沁烏珠穆沁
浩齊特阿巴噶阿巴給納爾喀爾喀諸王貝勒貝
子公額駙台吉等冠服銀帶鞍馬有差乙酉

駐蹕庫爾奇呼必喇

賜隨園喀喇沁官兵銀幣有差己未

迴駐博羅河屯九月庚子自多倫諾爾入張家口乙巳

上迴暢春園

三十九年七月丁巳

上啟蹕巡幸塞外八月辛酉朔出古北口癸亥行圍殪熊

駐蹕喇嘛洞丙寅

駐蹕納木桑扎塞

賜多羅僖郡王岳希喀喇沁王扎什公福善台吉鄂齊爾

弓各一丁卯

駐蹕英圖和洛

賜翁牛特都稜郡王班第馬八百匹以資生息癸酉

駐蹕齊老圖

先是遣往教漢教養蒙古生計之黃茂等來奏耕獲穀數

諭大學士馬齊派章京

等前往察視所獲米穀各部落散養蒙古官員等
隨相繼入覲
上皆詳問蒙古生計雨水情

形及各旗
新獲穀數
已丑行圍殪熊

駐蹕扎哈烏里雅蘇台九月辛卯行圍殪虎

駐蹕汗特穆爾達巴罕昂阿丁酉入古北口辛丑

上迴宮

四十年十一月丁未

上啟蹕恭謁

孝陵禮成

巡幸塞外十二月乙卯出喜峯口己未行圍殪虎

駐蹕七溝壬戌行圍殪虎

駐蹕喀喇河屯乙丑行圍殪豹二

迴駐兩間房丙寅入古北口己巳

上迴宮

欽定熱河志卷十三